

# Тропарь, кондак и молитва священномученику Владимиру Амбарцумову

24 декабря 2015 г. 22:29

Тексты тропаря, кондака и молитвы священномученику Владимиру Амбарцумову утверждены на заседании Священного Синода 24 декабря 2015 года ([журнал № 114](#)).

## Тропарь, кондак и молитва

Месяца октября в 23-й день

Служба священномученику Владимиру, пресвитеру Московскому

Тропарь, глас 3:

От юности Бога усердно взыскавый,/ истину в Церкви Православней обрел еси/ и, крест пастырского служения ревностно подъемый,/ верныя во дни гонений добре окормлял еси./ Темже и прещений безбожных не убояся,/ даже до крове пострадал еси,/ отче священномучениче Владимире,/ моли Милостиваго Бога спастися душам нашим.

Кондак, глас 7:

Оружием правды облеченный,/ страдания за веру мужески приял еси/ и, яко истинный воин Христов,/ мучителем противу стал еси, глаголя:/ привременно есть господство ваше./ Мы же вопием ти:/ радуйся, священномучениче Владимире,/ во Царствии Небеснем/ венцем нетленным от Бога увенчанный.

Молитва

О, священномучениче Владимире, избранный учениче и последователю Христов! От юности твоя Бога усердно взыскав, веру истинную обрел еси и, словом евангельским, яко светильником, весь путь жития твоего озаривый, в темную годину гонений крест пастырский небоязненно подъял еси и, верным наставник, окормитель и утешитель быв, смерть за веру претерпел еси. Темже молися и ныне Владыце Христу, православныя христиане от разделений соблюсти, священники и монашествующия в подвизе укрепить, отроки от пагубных и бесовских наветов сохранить и вся верныя в Православии утвердить и сию веру отцев непреложну нам соблюсти, да прославим купно с тобою на Небесех Отца и Сына и Святаго Духа, ныне и присно и во веки веков. Аминь.